

# Ludgi Ma~iak' Kurumut\_u Ar Boge Ca\_lcolon

Ludgi ma~itako do a.d.i ren'gec' ar nacar-geako. En'gat apat ho~ Ludgi a.d.ikin dula.r.ea, ente sadher bit.i kanta.kinae. Menkhan ac' go ac'ge a.d.i bhage maejiu kante Ludgi jaoge boge ak' sec'e uskurea. Ludgi ho~ ac' goak' sana senoak' la.git' a.d.iye kurumut.uia. Ar or.ak' ka.mi begor a.cu bhorsate udur. dhupur.e chut.a.uk'a. Ren'gec' hor. kanteke en'gat apat dokin nalha tuma.la, ac' do daka utui isin aroetakoa, Setak' do ar.ak' sakam bar.ge ar kulhi muca.t' bir khone hunar a.guia.

Menkhan ako atoren et.ak' kur.iko skul calak' n'elkote monre a.d.itet'e hae haeok'a, ente mo~n'jge puthi silet. sap'kate ar rok' na.kic'kateko senok' hijuk'a. Mit' din Ludgi ma~i do me~t' dak' jorok tuluc' ac' goe metae kana, E go, in' ho~ onko Lupsi da.iteko sa~ote skul kolka.n'me. En'gattet' sadher bit.iak' bhabna n'elteye ha.rup'kedeaa, ar ako atoren sor per.a t.hen khon mare or.ec' or.ec' puthiko ar silet.ko koeadea. Ado dosar hilok' khon skulte calak'e ehop'ena.

Menkhan or.ak're hec'kate ho~ enkage udur. dhupur. ac' goe ka.mi gor.oaea tha.ri ba.t.i man'jao, dak' a.gu, isin aro sudha.ge. Upha.n' jokhec'e jira.uk'a ar gapa la.git' ac'ak' par.hae sapr.aoa.

Menkhan budtae do a.d.i laser. Bae a.da.i ba.da.iok'a. Thor.a dintege sila.i ka.mi ho~ a.d.itet'e cat'ket'a. Se~r.ayenre ho~ enkage ac' go gor.oae la.git' ur.um sur.ume ka.mia: bae a.run' pa.run'ok'a. Or.ak' ka.mi ja~ha~t.ak' bae jutlere ac' goe nisar.a.ule khan bae usa.t'a, bae moc moco hapekok'a; bickom artet'geye sontorok'a ar mon lagaokate sapha ka.k'mi sanayea. Ha.ni or.ak' nui or.ak' ajare bar.ae ho~ ban'ataea.

Ona ia.te ina. atoren ar ad.e pase atorenko Ludgi ma~iak' mone monete a.d.itet'ko sarhaoea.

---

# Tehen' Kho\_n Secondary School Certificate (SSC) Bid\_a\_u Do\_ Ehop'ena

Tehen' kho\_n got\_a disa\_mre SSC bid\_a\_u ehop'ena. Nia bid\_a\_u do\_darakan 23 November muca\_dok'a. Jao sermage February cando reak' pa\_hil hapta noa bid\_a\_u ehop' bar\_ak' re ho~, ko\_ro\_na ma~ha~ma\_ri kha\_tir amdaj mit' serma tala kho\_n sikhna\_t ga~otako bond tahe~kante nia dhao do\_ okte na\_pitre bida\_u hatao ban' hoeakana.

Nia dhao reak' bid\_a\_u do\_ khat\_o sylebas te hoyogok' kana. Bid\_a\_u do\_ mit' ghont\_a tala ha\_bic' hoyok'a. Pea bisoi cetanre bida\_u do\_hoyogok' kana. Noa ko bisoi reak' pholaphol se\_result cetanre mullayon kate bid\_a\_u reak' jo\_ do\_ so\_do\_rok'a.

---

## Hud\_in'ak' Alom Nen'ghaoa

Mit't\_en casa hor\_ ac'ren kor\_a gidra\_ sa~ote mit't\_en bila\_n t\_a.nd.iye paromet' tahe~kana. Unre uni kor\_a do mit't\_en nal kut.ra.i n'el n'am got'ket'a, are men got'ket'a " Nok'o~e baba, mitt\_en nal kut.ra.". Apattet' do uni kor\_aye metadea, " Ma bet\_a ona do halan'ime ar am t\_hen dohokak'me".

Menkhan uni kor\_a doe menket'a " ona kut.ra\_ bae halan'let'a. Khange apattet' do hape hapete ona nal kut.ra.i halan'ket'a, ar ac'ak' an'grop buglireye bhoraoket'a. Mit't\_en atokin tiok'ket'a, ona atore mit't\_en kamare tahe~kana. Apattet' do ona me~r.he~t' kut.ra\_ uni kamar bar poesateye a\_krin'adea. Ona poesate do eae got.ec' a.d.i

sebel joye kirin'ket'a. Ond.e khon ona t.a.nd.i t.a.nd.itegekin sen idiyena. Bogeteye seton'ket'a, umulok' la.git' dare se or.ak' ho~ ba.nuk'anec', ar dak' ho~ ba.nuk'anec', uni kor.a do loraok' kan lekae a.ika.uket'a.

Kor.a do ac' baba tayom tayomtegeye sen idik' kan tahe~kana. Khange apattet' do mit't.en jo hape hapete bugli khone od.okket'a, ar otreye n'ugot'kat'a. Uni kor.a do a.d.i usa.raye en'got' got'ena, ar onae halan' jomket'a. Sen idik' tuluc'ge ackage arho~ mit't.en joe n'urgot'kat'a. Ona ho~ ot khon halan'kateye jomket'a.

Apat' do onkage mimit' got.ec'kate ac'ren hopon pohrek otre onako joe n'uradea, are halan' caba ocokedea. Khange apat do muluc' muluc'e landaket'a, ar ac'ren hopone metadea; " Henda ba.bu, enan' do ona nal kut.ra halan' la.git' mit' dhao en'godok' ho~ bacom rebenlen. Unre en'got'katem halan'le khan, nok'o~e eae dhao do ohon' en'got' ocolema. Ma bujha.ume bet.a ar hudisme".

---

## Corpot . Gun Khon Cetaok'

Tar.o do a.d.i corpot. kor.a kanae. Uni do janwarko beba.r.ic'e harkhetkoa. Mit' din uni do kulhi pind.a.re dur.up'kate matkom lat.heye jojomkan tahe~kana, ar mit't.ec' bes cika.~r. macha hopon pa~er.ae sap' akat' tahe~kana, jojom kan jojomkan, ac' khon thor.a pharak n'o~k're mit't.en setae n'el n'amkedeadea. Uni seta doe burum akan tahe~kana. Tar.o do setae leh lehadea. Leh lehade tora seta do a.d.i cot.kare beret' got'ena, ar cand.bol t.her.e t.hepe t.hepeate lujun' lujun' uni t.hene da.r. idi got'keda. Tar.o do hud.uhud.uc' matkom lat.he tire dohokate uni sec' tiye tia.rket'a, seta do ona aste a.d.i usa.ra ond.eye sen sor got'ena. Senen tora uni kor.a do ac'ak' pa~er.ate uni seta a.d.i garte na.thureye pit.a.ukedeadea.

Uni ba.pur.ic' seta do bacha, haso jalate ka.~i ka.~iye rak'ket'a, ar

kubun' kubun' ond,e khone da,r.ket'a. Ar tar,o do onkae n'elkede khan khet,e khet,eye landaket'a.Tar,o ac' talaba do ona tamasa pharak' khone n'en'elkan tahe~kana. Ar uni do setawak' dosa ar Tar,oak' corpot. ka,mi n'elte a,d,i ban' t,hike a,ika.uket'a, ar Tar,o boge sikha.una emaye got,awana. Khan uni do Tar,oe hohoadea, are kuli-kedea, " Henda Tar,o poesam hataoa?" Tar,o do usa,rae mengot'ket'a. " He~ tala ba, ema,n' khanem ente". Khan uni do mit' sika. poesa sap'kate uni sec' tiye tia,rket'a. Tar,o ho~ a,d,i ra,ska,kate ti tia,rkateye atan'got'ket'a. Atan' torage Tar,o ac' tala ba do mit't,ec' mat' chit'kir,ic'te carat, marte tiye dalkedea. Tar,o do haso jalate ti irci ircite a,d,i a~t,e ad,raokeda.

Khan ac' talaba doe menket'a. " Am do uni ba,pur,ic' seta a,ur,iak'tem dalkedete, in' ho~n' dalket'mea. Tehen' khon disa,ime, seta ho~ am hasoket'me leka hasokogea. Ar tis ho~ onka alom colona.

---

## CASA

Casa do ko casa

Phosol ko ubja,o,

Casa re bon asok'

Jomak' ko jogar, abon.

Casa babon nistr,a,uko

Disa,m ren gorob kanko,

Casa ka,mi ban' ka,t,ic'a

Onate alobon lajak'.

---

# Ne\_sho~ Junior School Certificate (JSC) Bid\_a\_u Do\_ Ban' Hoyok'a

Ko\_ro\_na virus karonak'te Prathomik Somaponi bid\_a\_u leka ne\_s do\_ Junior School Certificate (JSC) bid\_a\_u ho~ ban' hoyok'a. Hala calaoen Mon'golbar (09 November) Anto: Sikkha board somonoy Sub- Committee ren sabha mukhia\_ ar Dhaka Sikkha board ren Chairman Professor Nehal Ahmed ta\_kiank' suhi akat' mit' dha\_rwak' talate noa khobor kin bad\_ae ocokeda.

Noa re me\_n akana, ko\_ro\_na poristhiti kha\_tir 2021 serma reak' JSC bid\_a\_u ban' hatao reak' got\_a hoe akana. Nia.. ha\_l halot okte nij nij sikhna\_t tha~onako rege bo\_cho\_r muca\_t reak' bida\_u ar assignment hotete pa\_thua\_ gidra\_ko mullayon katek' cetan kelas se are ak' kelas reko rakap' ocok'a. Noa karonak'te darakan 6 kho\_n 13 November bhitrite JSC pa\_thua\_ gidra\_koak' form purun la\_git' batlaoe e\_m akada Anto-sikhna\_t board.

Tuma\_l- Bd-pratidin

---

## Santal\_koak' A\_rica\_li

Santal hor\_ koak' a\_rica\_li

Sanam ja\_ti khon a\_d\_i soros,

Seren' duran' ar enec' sogoe

Sanam ja.ti khon a.d.i ra.ska.  
Horok'- bandi ar sajsap'rao  
Sanam ja.ti khon a.d.i napae,  
Jom n'u ar isin basan'  
Sanam ja.ti khon a.d.i sebel.  
Man manot ar dula.r. sodor  
Sanam ja.ti khon a.d.i sabasi,  
Pal porob ar bapla biha.  
Sanam ja.ti khon a.d.i begar.  
Sa.ga.i hoho ar ror. landa  
Sanam ja.ti khon a.d.i sor.om,  
Santal hor. koak' a.rica.li  
Alobon at' ocoe somaj khonan'.  
Sap' dohoe mabon joto kote  
Jogao joton mabon gharon'j kore,  
Santal hor. koak' a.ri- ca.li  
Sanam ja.ti khon a.d.i soros.

---

**Bo\_cho\_r Reak' Pa\_hilrege**

# Na~wa~ Puthiko N'ama Pa.thua. Ko

Sikhna.t Montri Dipu Moni do\_e bad.ae ocokeda, Darakan serma se\_bo\_cho\_r reak' pa.hilrege pa.t.hua.gidra.ko do\_ okte na.pitre na~wa~ puthiko n'ama. Calaoen bo\_cho\_r leakage nia dhao ho~ olok' par.haok' kan mimit' pa.t.hua.gidra.ko na~wa~ puthi ko emakoa seko n'ama.

Ko\_ro\_na ma~ha~ma.ri okte talate ho~ noa kurumut.u do\_le calao idiet' kana. Enre ho~ As me\_nak'a, jao serma leka nia dhao ho~ pa.t.hua.gidrako talare puthi em ha.tin' ka.mi hora ko do\_napaete hoe pura.uk'a.

Tuma.l:Bss news

---

## An'jom Pe

An'jom pe e gidra.koge

Ka.t.ic' khonge school tege

Calak' hoyok' okte na.pitrege

Akel bidia.hamet.la.git' tege.

Gogo, baba, a.yurkoak' uskur tege

Laha ape aema aema akel tege

Cecet'ko ar akelan koak' katha koge

Atenpe lutur ar mon ontor tege.

Hoyok'gea pe maran' akelan koge

Man ar chiar pe n'ama apnatege

Ba.da.i hiska. mon ban' tahe~lenre

Lekman hor.ko pe hoyok'a unre.

Sabasi sarhao n'ama pe tin re

Isorak' aema bhor n'apame unre

Boge jionpe khemaoa tin re

At.karape kha.t.i ge suluk monre.

---

## Bitna. N'utuman Kor.a Rean'

Sedae jo\_khe\_n kathae, nui Bitna. kor.a do\_ en'gat ho\_r.mo\_reye tahe~kanre apatte\_t' do\_e go\_c'ena. Khande en'gatte\_t' do\_ apa bare or.ak'teye he\_c'ena. Ado\_ ond.e tahe~kanrege, kathae, uni Bitna. kor.a do\_e jamamena. Uni kor.a do\_ mit' bita.geye usullena, ina.k' khon do\_ ban'geye haralena; onatege uni do\_ Bitna.ko n'utumkadea. Ado\_ a.d.i serma hoeyenre ho~ bae haralente uni do\_ o\_koe kur.i ho~ bako khusiadete enka d.a.ngua.tegeye hara jua.nena. Ar gocoe do\_ho\_ket'te ona do\_ mit' bita. pon ka.t.up' harayentaea. Khande ado\_ onko mamotteko t.hen khon do\_kin begarente juda.-rekin or.ak'ket'. Ar uni Bitna. do\_ kathakore do\_ khub calaki ho\_r.e hoeyena. Ja~ha~n kathare uni leka do\_ o\_koe ho~ bako ro\_r. dar.eak'a. Ado\_ tahe~n tahe~nte uni Bitna. do\_ mit't.en bitkile kirin'kedea. Ar uni do\_ khube jo\_to\_n mot.akede khan do\_ sin' marsal do\_ a.tin'ge bae a.tin'a, onate uni do\_ go\_to\_m bitkile n'umkedea. Ado\_ unire de\_c'kate mit' n'inda.i a.tin'ea, ar sin' marsal do\_ or.ak'regeye aderkaea.

Ado\_ tahe~n tahe~nte onka mit' din do\_ t.a.nd.ite a.tin'e idi akade tahe~kan jo\_khe\_nge, kathae, cet' la.git' co\_e a~r.golen tahe~kana. Ado\_ kathae, jan'ga se\_nteye de\_jo\_k' kan tahe~kan jo\_khe\_nge, kathae,

uni bitkil do\_e ic' go\_t'ket'te uni Bitna kor\_a do\_e ic' topa  
ocoyena. Ado\_kathae, o\_nd.egeye topayena; ado\_bae ut\_ka\_u dar.eat'a,  
o\_nd.egeye lat\_ha t.arhaoena. Ar uni bitkiil do\_e a\_tin' mo\_ko\_n'en  
khan, setak' do\_or.ak'teye calaoena. Ado\_uni kor\_a bae n'el na'me  
kante en'gatte\_t' do\_a.d.i ba\_r.ic'e rak' bar.ayet'a. Me\_net'ae,  
Ta\_rup' co\_n' cele janwar co\_ko jo\_mkede. Onka bogete n'um n'umteye  
rak' halan'et'a. Ado\_kathae, tikin jo\_khe\_n do\_sra atoren kur\_iko do\_  
go\_et.ha guric' halan'ko se\_nlena. Ado\_kathae, mit't.en kur\_i do\_ona  
bitkil guric'e ut\_ka\_u go\_t'ket' khan, kathae, uni Bitna kor\_ae  
ut\_ka\_u n'am go\_t'kede. Ar uni kor\_a ho~e beret' go\_t'ena. Ado\_  
darhateye calaoenteye um saphayena, ado\_or.ak'teye calaoena.  
En'gatte\_t' do\_e ra\_ska.yena. Ar uni Bitna kor\_a do\_t.an'gae  
n'amket'te uni bitkil kut\_a.m go\_c' uta\_rkede. Ado atoren ho\_r.e  
la\_iat'koteko jo\_mkede. Ado\_ona bitkil harta do\_e ro\_ho\_r.ket'te  
mit' din do\_en'gatte\_t'e metadea, Ia., ayo, sa\_tu sambara.n'me, in'  
do\_hartan' a\_krin' a.guia. Ado\_kathae, jur\_a.uadete uni do\_harta  
a\_krin'e calaoena. Ado\_calak' calak'te tin sa\_n'gin' ho\_r co\_e  
calaoen. Ado\_a.yup'ena. Ado\_e me\_net'a, Noa n'inda do\_okaren'  
gitic'a? Deko or.ak're ma na~ha~k' o\_ho\_ko gitic' ocolin'a. Ado\_onkae  
hudisket'te n'uhum jo\_khe\_n mit't.en dare but\_areye d.erayena. Ado\_e  
me\_nket'a, Dare co\_t.re de\_c'katen' gitic'a; o\_tre do\_ja~ha~eko  
e\_r.e bo\_t.e\_c'kin'a. Onka me\_nkate, kathae, dareteye de\_c'ena, ar  
ona harta ho~e o\_r rakap'ket'a; ado\_lut.uk' lut.uk'e de\_c' thir  
akangea. Ado\_kathae, tala n'inda khange kombr.o do\_oka khon co\_n'  
aema t.akako kombr.o idiket'te ona dare but\_a.regeko do\_ho\_ket'teko  
ha\_t.in'et'kana. Un jo\_khe\_nge Bitna do\_, kathae, ona harta do\_had.  
bad.e n'urha go\_t'kat'a. Khange kombr.o do\_, kathae, bo\_to\_rte  
jo\_to\_ko da\_r go\_t'ket'a. Un jo\_khe\_n Bitna do\_e a~r.go go\_t'ente,  
kathae, onako t.aka do\_be\_bake idiket'a, ar harta do\_o\_nd.egeye  
ba\_gi dapor.at'a, ar ona t.aka do\_or.ak'teye a.gu se\_t.e\_rket'a.

Ado\_en'gatte\_t'e metade, Ia., ayo, do\_se\_mamateko t.hen khon pa\_i  
ko\_e a.gukom. Ado\_kathae, se\_nente pa\_iye ko\_e a.guket'kote o\_neye  
a.gulet' t.akakin so\_n'ket'a. Ado\_kathae, tina.k' gan t.aka co\_n'  
pa\_i par.ak'koreye so\_ge\_bar.akat'a. Are metadea, Do, ayo idikatakom.  
Ado\_sa\_riye idikat'takoa khan, pa\_i par.ak're t.aka so\_ge\_akanko  
n'elket' do\_ko me\_nket'a, Durre! Nui do\_abo khone so\_ro\_sok' kan do\_

abo khon so\_ro\_se kisa.~r.ok'á. Ado\_ onkako hiska.ket'teko me\_nket'á, Ma nui do\_ nenkarebo je\_re\_dea. Re\_n'ge\_c' ocoyeabon; ban`khan hape\_ne da.br.uc' cababona. Ado\_ onkako hiska.ket'te mit' din do\_ je\_re\_deako me\_nket'á, Hape\_ babon je\_re\_dea; uniak' bhe\_dbon n'amlege, bhala cet' lekate una.k' t.aka do\_e n'amlet'á me\_nte. Khange sa\_riko kulikedeá, Henda ba\_bu, okare harta do\_m a.krin'ket'á, ar tina.k' dam hoelentama? Ado\_ unreya me\_nket'á, A.d.i sa.n'gin', hana bajarre, mamó. In' ma, mamó mit' got.engeye tahe~kantin'á, onate thor.age hoelentin'á. Ape ma, mama, aema kad\_a bitkil menak'kotapea. Ape do\_ cet' ban' se\_, bar pe kha.cla.k' t.akape a.gukea, ar ban`khan aperen kad\_a bitlil kirin'te eman'pe tho\_, in'gen' hataokotapea. Ado\_ko me\_nket'á, Ban`, aletegele a.krin' a.guia.

Ado\_ sa\_ri uniak' kathateko ma\_lun'ente jo\_to\_ kad\_a bitkilko kut.a.m go\_c'ket'koa, ar harta a.krin'ko calaoena. Me\_nkhan cele ho~ bako hataolet'takoa. Ado\_ a.nd.ho\_n. mand.ho\_n' mit' bar t.akateko dhasao gid\_i bar.aket'te a.d.i ba\_r.ic' karac' kuruc'ko edre he\_c'ena. Arko me\_nket'á, Ia\_ yae e\_r.e.ket'bon do\_! Nahakge kad\_a bitkile go\_c' ocoket'bon do\_. Ado\_ or.ak'teko rua\_r. he\_c'en khane kuli bar.ayet'koa. Ado\_ edrete uni tuluc' do\_ bako ro\_r. bar.ayet'á. Arko me\_njon' kana, Nui do\_bo je\_re\_dea; ban`khan hape\_n abo do\_e latarbona. Ado\_ onako nit.ket'te sa\_ri mit' din do\_ko je\_re\_t'kedeá. Ado\_ unre bogeteye ho\_ho\_ket'á, me\_nkhan onko mamó\_tteko do\_ o\_koe ho~ bako he\_c'léna. Ado\_ a.d.i tayom enako he\_c'ena. Ado\_ unre uni do\_ o\_hmateye bad.aeket'á, ban'ma, In' do\_ nokogeko je\_re\_t'kidin'á. Ado\_e cekaea, be\_cara? Ac' ma hud.in' hud.in' ho\_r., cet'e ceka dar.eak'á? Khange jo\_to\_ or.ak' lo\_ cabayentaea, bako i~r.i~c' dar.eat'á. Ado\_ jo\_to\_ or.ak' to\_ro\_c'entaea.

Ado\_ se\_n'ge\_l i~r.i~c'en khan ona to\_ro\_c'ko do\_ jo\_to\_e ha\_r samt.aoket'á. Ado\_ onko mamó\_tteko bostae ko\_eket'kote ona to\_ro\_c' do\_ bostareye bhoraoket'te bepare idiket'á. Ado\_ mit't.en bajarre tiok'ket'á. Ado\_ a.yup'en khan mit't.en bar.e but.a.reye d.erayena. Ado\_ n'inda.yen khan uni do\_e me\_nket'á, In' eskar nond.e tahe~n do\_ ban' jutok'á. Ja~ha~eko kombr.o bo\_te\_c'kin'á. Ado\_ ona ar.erege bepariko d.era akan tahe~kana. Ado\_ onko t.hen se\_nkate mit' ar.ere ni ho~e d.erayena. Ado\_e ja.pit' ocoat'koa. Ado\_ tala n'inda. jo\_khe\_n

nui do\_e be\_re\_t'ente ac'ak' to\_ro\_c' bosta do\_ onkoak' ga.d.ireye bha.rikat'a, ar onkoak' bosta do\_ ac'ak' ga.d.ireye bha.riket'a. Ar onko bepari do\_ bako disa.ledea. Ado\_ko tahe~ an'gayen khan onko ho~ko lagaket'a, nui ho~e jor.aoket'teye lagaket'a. Nui do\_ e\_kkalte or.ak'teye laga a.guket'a. Ado\_ a.gukateye n'elket' do\_, e\_ke\_n t.aka kan. Ado\_ en'gatte\_t'e metadea, Do ayo, mamateko t.hen khon pa.i a.guime. T.akalan' so\_n'a.

Ado\_ sa.riyeko\_e a.guket'te t.akakin so\_n'ket'a. Ar ona pa.i par.ak'kore do\_ mo~r.e~ turui go\_t.e\_n t.akakin re\_be\_t' bar.akat'te pa.i do\_kin idi ot.okat'takoa. Ado\_ko n'elket' khan do\_ko hahar.ayena. Me\_nket'ako, Durre! Noa to\_ro\_c' khon ho~ aema t.aka hoeyentaea. Bhalabon kuliyea, okareye a.krin'ket'a me\_n te. Khanko kulikede khane me\_n go\_t'ket'a, In' ma, mamoo, or.ak' ho~ hud.in'ge tahe~kantin', onarege no~\_ko~\_e nuna.k' t.aka hoeyentin'a. Ar ape ma napr.ak' napr.ak' or.ak' menak'tape, ape do\_ aemape t.akakea. Khangeko me\_nket'a, Sa.rige tho\_ ya, abo do\_ aemabo t.akakea. Ado\_ onkako hudisket'teko me\_nket'a, T.akale khan or.ak' bek'nao do\_ algagea. Ma noa or.ak' do\_bon je\_re\_t'ak'te to\_ro\_c' a.krin a.gukate arho~ or.ak' do\_bon benaoa.

Khange kathaeko je\_re\_t'at'takoa; ado\_ to\_ro\_c' sajaoket'te a.krin' do\_ko idiket'a. Ado\_ katha, cele ho~ bako bataolet'takoa. Ado\_ a.r.isente gad.a dak'reko up' gid.i dapor.kat'a. Ado\_ sit.ha.l mit.ha.l karac' kuruc'ko ruhet'kede. Ado\_ ina. dosar tesar khange Bitna do\_e me\_nket'a, D.a.ku bo\_te\_c'kin'ako. Ado\_ ona bo\_to\_rte o\_nd.e khon do\_e da.r.ket'a.

Source: Santal Folk Tales